



FOLGA CONVOCADA PARA O DÍA 3 DE XUÑO DE 2026.

XUSTIFICACIÓN PARA OS SERVIZOS MÍNIMOS

As organizacións sindicais CIG-Ensino, CUT e Snep comunicaron a convocatoria de folga na totalidade dos centros incluídos no ámbito territorial da Comunidade Autónoma de Galicia incluídos nos ámbitos funcionais do XIII Convenio Colectivo de Centros de Asistencia e Educación Infantil etapa 0-3, do XVI Convenio colectivo xeral de centros e servizos de atención a persoas con discapacidade e do V Convenio colectivo estatal de reforma xuvenil e protección de menores. Na dita comunicación se indica que a folga terá lugar o día 03 de xuño de 2026 en xornada parcial de 09:00 a 15:00 horas.

Así pois, a necesaria conciliación entre o exercicio do dereito constitucional de folga e o mantemento dos servizos esenciais obriga a esta Administración autonómica galega, de acordo coa normativa vixente, a fixar uns servizos mínimos indispensables para o funcionamento dos servizos esenciais, que se concretan nesta orde.

O exercicio do dereito de folga supera o plano das relacións entre empresa e traballadores/as para ingresar no campo do público cando a empregadora resulta ser a propia Administración pública ou se afectan os servizos esenciais respecto dos cales esta cumpre unha función de garantía. Neste sentido a atención educativa e asistencial dos nenos e nenas de 0-3 anos ten este carácter esencial para a comunidade. O mesmo carácter esencial teñen a atención ás persoas con discapacidade e a reforma e protección xuvenil.

O seguimento desta folga, sen a determinación anticipada dunha prestación mínima, podería xerar un prexuízo tanto para os nenos e nenas usuarios como para as súas familias e para o persoal do centro que non a secunde.

O servizo da escola infantil é esencial para que moitas familias poidan conciliar a súa vida persoal e laboral sen ter que deixar aos seus fillos e fillas a cargo da rede familiar ou social de apoio que, en na meirande parte das ocasións, está constituída por persoas maiores de especial vulnerabilidade.

Ademais do anterior, e non menos importante, está o papel que a escola infantil desempeña máis aló da perspectiva dun servizo de conciliación, e que en realidade é a esencia, a finalidade e o obxectivo desta etapa educativa: O coidado, educación e o correcto desenvolvemento de nenos e nenas nesta etapa fundamental. Unha das principais razóns de ser da “Escola Infantil” é dar acubillo, apoio, e amparo principalmente a eses nenos e aqueles outros con necesidades de atención específica (NEAE), que precisan dunha estimulación temperá en colaboración cós equipos de Atención Temperá das Consellerías de Sanidade e Política Social e Igualdade.

Abondan os documentos e estudos nos que se fai referencia á etapa da educación infantil como decisiva na formación de adultos máis competentes de modo xeral (UNESCO, UNICEF, OMS, ONU, ECDC, Asociación Española de Pediatría, Save de Children, e diversas ONG). Todos eles coinciden en



que ademais do impacto emocional e social, os centros educativos posibilitan a oferta doutros recursos que permiten cubrir necesidades de alimentación e apoio social, especialmente importantes nun momento de crise socioeconómica e de aumento de situacións de estrés no fogar (aumento de desemprego, problemas económicos, violencia intrafamiliar, etc).

Por outra banda, resulta esencial garantir a efectividade do dereito á igualdade de oportunidades e de trato, así como o exercicio real e efectivo de dereitos por parte das persoas con discapacidade en igualdade de condicións respecto do resto da cidadanía, erradicando calquera tipo de discriminación.

No tocante a prestación de servizos nos centros de reforma xuvenil e protección de menores o seu carácter esencial deriva da necesidade de salvagardar o interese superior do menor.

En virtude do anterior, e de conformidade co disposto na Lei 1/1983, do 22 de febreiro, de normas reguladoras da Xunta e da súa Presidencia, e no Decreto 155/1988, do 9 de xuño, polo que se ditan as normas para garantir a prestación dos servizos esenciais en caso de folga no ámbito da Comunidade Autónoma,

PROPOSTA PARA OS SERVIZOS MÍNIMOS

1.- No caso de **centros de asistencia e educación infantil** os servizos mínimos fixados serán os seguintes:

Dúas persoas traballadoras de persoal de atención directa aos nenos e nenas, dende a apertura ata o peche dos centros. Nas escolas de dúas ou máis unidades abertas haberá, ademais, unha persoa de atención directa por cada unha das unidades que teña a escola en funcionamento.

2.- No caso dos **centros e servizos de atención as persoas con discapacidade** os servizos mínimos fixados serán os seguintes:

Os servizos mínimos designaranse coa mesma intensidade con que os servizos esenciais se ven atendidos nun domingo ou nun día festivo, e para o caso de que se trate de centros que permanezan absolutamente pechados tales días, atenderase ás quendas establecidas para os sábados.

No caso dos servizos de atención diúrna ocupacional e atención diúrna terapéutica nos que unicamente teñen actividade de luns a venres, terán que ter as seguinte ratios de persoal de atención directa:

Nos servizos de atención diúrna ocupacional unha ratio de persoal de atención directa de 0,10 e de 0,14 no servizo de atención diúrna ocupacional con outras discapacidades concorrentes.

Polo que respecta ao servizo de atención diúrna terapéutica, a ratio de persoal de atención directa é de 0,14 nas áreas de discapacidade intelectual, e dano cerebral adquirido e de 0,20 nas áreas de discapacidade física, parálise cerebral e trastorno do espectro autista.



Nos servizos de supervisión e apoios puntuais en equipamentos especiais é necesario garantir unha persoa cuidadora por quenda.

Os centros que teñan servizo propio de comedor, deberán ter o persoal mínimo para garantir o servizo de comida.

Nos servizos de transporte de uso para a atención de usuarios de centros de atención a persoas con discapacidade manteranse como esenciais os servizos de entrada aos centros desde as 8:00 horas ata as 10.30 horas e os de saída, desde as 14.00 ata as 15:30 horas nos servizos de media estanza.

Centro de Atención a Persoas con Discapacidade de Ourense:

Os servizos mínimos son os seguintes:

- 10 Coidadores/as en quenda de mañá
- 1 Médico/a en quenda de mañá
- 1 Traballador/a social en quenda de mañá
- 1 Psicólogo/a en quenda de mañá
- 1 Logopeda en quenda de mañá
- 1 Terapeuta ocupacional en quenda de mañá.
- 1 Educador/a Social en quenda de mañá
- 2 Monitores/as en quenda de mañá
- 1 Técnico/a de mantemento en quenda de mañá
- 1 Persoal Recepción/Administración en quenda de mañá
- 1 Técnico/a de xestión farmacéutica en quenda de mañá.

Centro de Atención a Persoas con Discapacidade Souto de Leixa:

Os servizos mínimos son os seguintes:

- 5 coidadores/as en quenda de mañá.
- 1 enfermeiro/a, en quenda de mañá.
- 1 técnico/a de xestión farmacéutica en quenda de mañá



- 1 limpiador/a en quenda de mañá
- 1 oficial/a primeiro/a cociña en quenda de mañá.
- 1 persoal recepción en queda de mañá
- 2 monitores/as en quenda de mañá

3.- No caso de **reforma xuvenil e protección de menores** os servizos mínimos fixados serán os seguintes:

O número de persoal axustarase ao mínimo que se establece no Decreto 329/2005, do 28 de xullo.